

Sarajevo, 08.02.2023. godine

Skupština Kantona Sarajevo

Admela Hodžić, zastupnica u Skupštini Kantona Sarajevo

KANTON SARAJEVO

SKUPŠTINA KANTONA SARAJEVO

VLADA KANTONA SARAJEVO

ZASTUPNIČKA INICIJATIVA

Na osnovu čl. 106. i 213. Poslovnika Skupštine Kantona Sarajevo („Službene novine Kantona Sarajevo“, broj 41/12 - drugi novi prečišćeni tekst, 15/13, 47/13, 47/15, 48/16, 9/20, 14/20), podnosim inicijativu prema Vladi Kantona Sarajevo da se u što kraćem vremenskom periodu uputi zahtjev svim nadležnim istražnim organima za provođenje istrage u Kantonalnom javnom preduzeću “Sarajevo šume” d.o.o. Sarajevo zbog sumnje u činjenje nezakonitih radnji koje su iz Ured za reviziju institucija u FBiH svojim izvješćem o finansijskoj reviziji broj: 01-02-09-11-4-2590-8/21 utvrdili kao osnovu za negativno mišljenje, a naveli su sljedeće nepravilnosti:

1. Poslovi biološke reprodukcije šuma nisu izvršeni u minimalnom u obimu koji je predviđen šumskogospodarskim osnovama sukladno Zakonu o šumama Kantona Sarajevo i Ugovoru o prijenosu poslova gospodarenja državnim šumama na području Kantona Sarajevo. U 2021. godini šumskouzgojni radovi izvršeni su u iznosu od 94.444 KM, odnosno 7% od planiranih (1.249.709 KM). Nije postupljeno ni sukladno članku 19. Zakona, prema kojem sve površine nastale čistom sječom moraju biti pošumljene u roku od dvije godine nakon sječe ili šumskog požara, prirodnom obnovom ili putem pošumljavanja (točka 5. Izvješća);
2. Trogodišnji plan poslovanja za razdoblje 2021. – 2023. te na osnovu njega nastali Plan za 2021. godinu doneseni su tek u studenom 2021. godine i ne mogu predstavljati temelj za praćenje i izvršenje poslovnih aktivnosti tekuće godine na način propisan člankom 24. Zakona o javnim poduzećima u FBiH. Usvojeni Plan poslovanja nije dostavljen Uredu za reviziju institucija u FBiH sukladno odredbama Zakona o javnim poduzećima u FBiH (točka 6. Izvješća);
3. Prodaja šumskih drvnih sortimenata nije vršena transparentno i na tržišni način

sukladno Odluci o načinu prodaje drvnih sortimenata porijeklom iz državnih šuma na teritoriji FBiH. Isporučene su veće količine (150.709 m³) od ugovorenih putem javnog oglašavanja (137.466 m³), a za dodatne isporuke nisu primjenjivane uvećane cijene shodno Javnom oglasu. Društvo nije ponudilo minimalno 20% klasiranih šumskih drvnih sortimenata naknadnom prodajom, jer je putem licitacije ugovoreno 13.027 m³ , što je 8,64% od ostvarene realizacije (točka 7.1.1.1 Izvješća);

4. Popisom imovine i obveza na datum bilance nije utvrđeno stvarno stanje, niti je u poslovnim knjigama izvršeno usklađivanje knjigovodstvenog sa stvarnim stanjem imovine dane drugim pravnim licima na zajam, potraživanja, rezerviranja i ostalih pasivnih razgraničenja, na način propisan Pravilnikom o popisu imovine i obveza i Zakonom o računovodstvu i reviziji u FBiH (točka 7.2.6 Izvješća);

5. Nadzorni odbor i Skupština Društva su se u srpnju 2019. godine oglasili nenadležnim u postupku potpune eksproprijacije nekretnina (28.027 m²) na području općine Trnovo, koja je dana Društvu na gospodarenje, zbog čega Društvo nije sudjelovalo u postupcima eksproprijacije na način propisan člankom 4. Ugovora o prenošenju poslova gospodarenja nad državnim šumama i šumskim zemljištima u administrativnim granicama Kantona Sarajevo. Društvo nije postupilo ni sukladno članku 4. Zakona o šumama Kantona Sarajevo, kojim je utvrđeno da šume i šumsko zemljište, kao dobro od općeg interesa, uživaju posebnu brigu i zaštitu Kantona Sarajevo i općina (točka 7.1.1.2 Izvješća);

6. Ne možemo potvrditi da je Društvo transparentno i efikasno koristilo javna sredstva u vezi s predmetima nabava, sukladno Zakonu o javnim nabavama. Predviđene su nabave usluga sječe i izvoza drvnih sortimenata za 2021. godinu u iznosu od 1.000.000 KM, a nakon provedenih procedura nabave sukladno Aneksu II dio B Zakona zaključeni

su ugovori ukupne vrijednosti od 1.886.468 KM, što je značajno više od planiranih. Nabava namjenskog vozila sa nadogradnjom za vatrogasne potrebe (119.000 KM) nije izvršena u ugovorenom roku i sa nadogradnjom. Nadzorni odbor nije dao suglasnost na sve postupke procijenjene vrijednosti iznad 50.000 KM (točka 8. Izvješća).

OBRAZLOŽENJE

Uz reviziju finansijskih izvještaja Kantonalnog javnog preduzeća za upravljanje državnim šumama „Sarajevo-šume“ d.o.o. Sarajevo za 2021. godinu iz Ureda za reviziju institucija u FBiH izvršili su i reviziju finansijskih izvještaja i usklađenosti aktivnosti, finansijskih transakcija i informacija s relevantnim zakonima i drugim propisima. Prema mišljenju Ureda za reviziju institucija u FBiH, zbog važnosti pitanja opisanih u odjeljku Osnova za negativno mišljenje, aktivnosti, finansijske transakcije i informacije „Sarajevo-šume“ d.o.o. Sarajevo za 2021 godinu nisu u

skladu, u svim materijalnim aspektima, zakonima i drugim propisima koji su definirani kao kriteriji za datu reviziju.

Kompletno izvješće može se preuzeti na web stranici Ureda za reviziju institucija u Federaciji Bosne i Hercegovine.

Zbog svega navedenog tažim da se što je prije moguće provedu sve potrebne istražne radnje kako bi se moglo utvrditi da li je zaista došlo do kršenja zakona, zloupotreba javne funkcije, zloupotrebe položaja ili ovlasti, nesavjestan rad u službi, sticanja protupravne finansijske ili bilo koje druge vrste koristi a koja je za posljedicu imala nanošenje materijalne i svake druge štete Kantonalnom javnom preduzeću "Sarajevo šume" d.o.o. Sarajevo i na osnovu rezultata istrage postupi u skladu sa zakonima koji se tiču ove oblasti.

Molim Vas da nas izvjestite o provedenim aktivnostima.

Sarajevo, 08.02.2023. godine

Admela Hodžić

Zastupnica u Skupštini Kantona Sarajevo